

## S'emigrante

---

Predicàn: custa Terra  
non reze' prus  
su pesu 'e sos pacor fizos suos:  
bisonza' d'emigrare!

Gasi t'han'illozzau da-e domo  
e da-e cuddos camminos  
'ue una die sonniàr de andare  
chin fieresa 'e isposu,  
a froridura d'ervas e de rios,  
in bundassias de estas e d'incunzas.

Bae, ti naràna,  
innedda da-e sos tuos  
'uè prudican sa vida  
in d'unu ochile de chisina vritta.

E imparala sa limba 'e su mere,  
po podere risponde a sa dimanda,  
si jucher battor brazzos de vatica  
che-i s'anticu brunzeddu 'e su nurache.

E ses partiu...trazande sa vida  
in d'unu mundu istranzu chi no es tu.

Ma si su sambene non t'ha deviau  
i'sor guturinator de su coro,  
e has ammentu 'e naschida e d'affettos,

e cheres semmenare sas campuras  
'ue curran rios ch'alimentan  
zardinos de amores e de prammas  
po sa innenna 'e s'anima:  
a noche torra!

Torra a cuffortare cudda oche  
de sos chi son prantaos a sa terra  
ispettande unu raju 'e luce  
da-e sos chelor d'un'istoria noa.

Po chi ti torre' so' respiror furaos  
e torren sar miradar de amore  
a sar mammarr de izos furisteris.

Torra!  
Custa terra  
ha' bisonzu 'e la diffende'  
da-e sor frades chi, eris,  
chene dillittu  
t'han esiliau.

Dorvene.

PIETRO SOTCIA

DORGALI